

地 340.241

136

部 = 4 104345

欽州志

第肆本

卷之四

禮樂志

卷之五

兵防志



欽州志卷之四

禮樂志

壇廟

祀典

學校

書院

壇廟

社稷壇在城西北半里明洪武五年同知郭儁建

舊志

風雲雷雨山川壇在城西南半里明洪武五年同

知郭儁建

同上

先農壇在城東北二里雍正二年知州董紹美建

嘉慶二十四年知州朱椿重修

府志

欽州志

卷四

禮樂

厲壇在城東北三里明洪武八年建

舊志

城隍廟在城內儒學前寧越坊青雲路左明萬曆

二十四年知州張應宿增建拜亭齋房 國朝屢

修嘉慶二十五年知州朱椿吏目朱軒倡捐改建

正殿後宮頭門各三間周以磚垣前建戲臺道光

十年署州孟繼亨增建左右廂房

府志 參輯

關帝廟在城內西南隅 國朝乾隆二十八年署

州劉業門增修增建三代殿觀音堂於後嘉慶十

一年知州劉光暉重修增建殿前拜亭殿後左右

廊房二十五年知州朱椿又修道光十三年知州

朱椿年倡捐重修

舊志 參輯



東樓關帝廟在東城門樓上欽州營官兵其建乾隆四十九年參將德敏重修嘉慶十一年參將盧呈瑞又修

東樓五魁閣乾隆三十七年攝知州康基田創建於城門樓上關廟後以迎西方秀氣

文昌宮在城東二里原為奎光閣乾隆三十年州人方定倫等建嘉慶六年署州朱依敬學正楊士

鼎訓導陳璋潤改建為文昌宮仍建奎光閣於前通志

文昌廟在城南三里鰲魚洲即廻瀾書院明天啟間知州李五美建久廢 國朝乾隆十七年貢生

欽州志

卷四

禮樂

彭天澤謝恩任監生潘演淳李烟生員郭安邦方定經等倡捐重建二十七年知州劉業勤重修三十六年地於水嘉慶十四年州人鄺光美吳有邦等勸捐重修增建周圍垣牆通志 參輯

天后宮在城南振民坊明洪武元年征南將軍廖永忠由閩航海取粵神為兩護勅賜昭孝純正靈

應孚濟天妃詔沿海皆建廟 國朝乾隆三十五年州人洪仕超溫長盛等倡捐修嘉慶四年州人

黃承德薛巨相復倡捐重修並造兩廊府志

火神廟舊在城西南隅關帝廟創康熙三十四年知州程鼎建乾隆間遷建城內東南隅嘉慶間修



道光七年知州徐棻重修同

風神廟在城東半里阜通坊白沙街道道光四年因

旱知州徐棻於城南設壇禱雨次日大風三日得

大雨歲則大熟爰捐廉建廟配以雲雨龍神有記

詳藝文府志

龍神廟在州治東十五里龍灣上卽州八景龍潭

浦雨處嘉慶二十四年知州朱榷詣禱得雨捐廉

重建同

雷神廟在州治南五里赤墘村林木森秀相傳舊

有石香爐五座飛入林中夜間有風雨之聲因立

廟塑雷神像祀之值旱詣廟禱雨輒應乾隆三十

欽州志

卷四

禮樂

三

三年州人捐貲修嘉慶間州人又修舊志

旗纛神祠在千戶所後今廢附於守備署右同

馬王廟在城內守備署前小校場乾隆二十八年

欽營遊擊黃之柳重建道光三年武營官兵捐金

重修府志

清惠宮在城南一里下南關卽三婆廟雍正五年

州人捐建乾隆五十六年增修嘉慶二十三年州

人潘緝勳馬尙儀劉博學等倡捐重修道光七年

又修府志

元帝廟舊在城北高岡因圯遷附於城東青龍菴

一在州署頭門左嘉慶間州書吏重修



青龍菴在城東二里後爲觀音堂中爲如來殿元帝廟附於前乾隆五十六年州人鄧文吳蔡三韓等倡捐重修

元妙觀舊在東門外明正統十二年都指揮于羽建因圯移於青龍菴

崇寧寺舊名三寶寺在城東門外鴻飛洲乾隆四十九年州人鄧文吳蔡若冀林高富倡捐重修

華光廟在城內慶遠坊一在城外振民坊嘉慶十二年州人劉博學周紀殷修

三官樓在南門城樓上明萬曆間署州李秀時修後歷任文武屢修道光元年吏目朱軒重修俱同上

欽州志

卷四

禮樂

四

一賢祠在元帝廟後祀唐張說宋呂祖泰後廢爲觀音堂將說入祀名宦祖泰附祀林公祠舊志

二賢祠在櫺星門右舊名林公祠祀明僉事林錦知州林希元 國朝康熙間學正胡敷黃修附以

呂祖泰更名三賢祠雍正元年知州董紹美重修嘉慶十八年知州馬倚元復修通志 參輯

諫議祠在城東二十里中和坊祀唐諫議大夫甯原悌今廢 舊志

喻公祠在城東門外上街祀知州喻三畏

陳公祠舊在城隍廟前州人遷建小校場祀遊擊

陳誥俱同上



朱公祠在東坡書院左嘉慶二十五年州人爲知州朱棿建生祠因以祀焉新

忠孝祠舊在城內慶遠坊乾隆四十六年知州夏

文廣遷於儒學儀門左五十九年學正李樹元訓

導何廷瓚重建嘉慶二十二年學正吳光勳重修

府志  
參輯

貞節祠原在城隍廟前知州董紹美建後遷慶遠

坊乾隆四十六年知州夏文廣拆遷於儒學儀門

右五十九年學正李樹元訓導何廷瓚重建嘉慶

二十二年學正吳光勳重修同

六祖廟在州水東朝京坊距城三里康熙三十年

欽州志

卷四

禮樂

五

欽營遊擊陳誥建五十九年守備楊春元修嘉慶

十三年州紳郭中科倡捐重修府志

地藏廟在州南里許建自前明 國朝順治十三

年州庠生黃國華修道光八年州人郭理田之母

謝氏捐貲倡修

止善菴在州東門外鴻飛洲嘉慶二十五年州人

郭理田之母謝氏捐貲倡修俱同上

雲水菴舊在銅魚山腰今遷於山下距板尋墟五

里道光八年州生員藍文煥等倡捐重修採訪

烏雷廟在州治南一百六十里白皮嶺下祀漢馬

伏波將軍唐時碑記尙存嘉慶道光間疊修舊志  
參輯



龍門島關帝廟

龍門島天后宮二廟俱在興隆墩康熙間建乾隆

五十五年副將許廷進重修通志

龍王廟在龍門朝陽墩廟後建觀音堂乾隆五十

五年副將許廷進重修

北帝廟在龍門島大街康熙間建乾隆五十六年

重修俱同上

伏波廟在龍門水口阿公山康熙間建嘉慶九年

副將舒萬年率官民重建其一舊在烏雷大嶺上

枕近海旁嘉慶二十五年鄉人捐貲遷建於嶺下

香火甚盛一在州東南百二十里香爐墩嘉慶二

欽州志

卷四

禮樂

六

十五年鄉人蘇作黃方憲等倡捐重修通志府志

城隍廟在龍協署左道光元年署副將萬國治率

官紳兵民重建府志

三嫂廟在龍協署左軍工廠上康熙間建嘉慶四

年副將謝恩詔重修道光九年署副將林開疆左

營都司余清右營都司宋汝彪率官紳兵民復修

一在三口浪高原之上神最靈應相傳為莆田林

氏女得道於潤洲香火甚盛舟人奉事尤謹一在

小董墟又大直及各墟市均有府志

大王廟在龍門右營都司署前廟最古無所考後

座為觀音堂一在亞公山巖一在小董墟又一在



那蒙墟中

景公廟在龍門島耀武墩乾隆初建祀副將景慧

五十八年副將趙攀龍重修嘉慶十八年副將謝

廷可率官民重建俱同上

康王廟在州東南二十五里排榜村嘉慶二十二

年鄉人倡建一在州東百二十里沙角村道光四

年里人捐建採訪冊

文武廟在捕屬新立鄉白沙坪道光六年紳士方遇

堯劉志縉蘇朝業等倡捐重建志

關帝廟在東興街守備署左一在如昔司屬大直

墟一在防城墟潘奇猷送和穀四十五石入廟作香燈費用田坵土名勒碑嵌於廟壁

鎮州志 卷四

禮樂

七

一在大菜墟一在那勤墟一在那良墟一在那添

墟俱鄉人捐建採訪冊

天后宮在城西黃屋屯墟一在大直墟一在小董

墟一在三口浪一在東興街一在那良墟及各市

鎮同上

按鄉坊社廟所在皆有茲第就採訪所及約畧

記之不能盡詳也

祀典

社稷壇每歲春秋仲月上戊日設主於壇硃漆書

曰州社神州稷神正印官率所屬俱於前期致齋

三日祭日各官朝服畢集壇外通贊贊執事者各



司其事引贊引承祭官入階下盥洗通贊贊就位  
各官咸就拜位贊迎神贊跪叩與眾官行三跪九  
叩禮與贊奠帛行初獻禮引承祭官升壇詣

州社神位前跪獻帛獻爵一叩首興詣

州稷神位前如前儀詣讀祝位跪通贊贊眾官皆跪讀

祝文畢一叩首興亞獻三獻如初獻儀贊賜福胙

引承祭官詣福胙位跪飲福酒受福胙一叩首興

贊送神跪叩興眾行三跪九叩禮贊望燎禮畢

祭品帛二黑尊一爵六羊二豕二 每案銅二簋

二簋二邊四豆四巴上通志

祝文 部頒

欽州志

卷四

禮樂

八

維 神奠安九土粒食萬邦分五色以表封圻育

三農而蕃稼穡恭承守土肅展明禋時屆仲春秋敬

修祀典庶丸丸松柏鞏磐石於無疆翼翼黍苗佐

神倉於不匱尚饗

謹案會典社稷壇為大祀 通志

風雲雷雨山川城隍共一壇每歲春秋仲月致祭

安設風雲雷雨之神居中帛州境內山川之神居

左帛州城隍之神居右帛俱白色陳設禮儀與社

稷壇同經費即在社稷壇經費內勻支

祝文 部頒

維 神贊襄天澤福佑蒼黎佐靈化以流形生成



永賴乘氣機而鼓邊濶肅攸宜磅礴高深長保安  
貞之吉憑依鞏固實資捍禦之功幸民俗之殷盈  
仰神明之庇護恭修歲祀正值良辰敬竭豆邊祇  
陳牲帛尚饗

雩祭每歲孟夏上辛日於神祇壇設祀如制

祝文 部頒

恭膺 詔命撫育羣黎仰體 彤廷保赤之誠勤  
農勸稼俯惟蔀屋資生之本力穡服田令甲爰頒  
肅舉祈年之典寅衷將祀用申守土之忱黍稷惟  
馨尚冀明昭之受賜來牟率育庶俾豐裕於益藏  
尚饗

欽州志

卷四

禮樂

九

謹案會典神祇壇爲中祀

通志

先農壇每歲仲春亥日祭紅牌金字填寫先農神  
牌供於壇上承祭官率所屬俱於前期致齋二日  
祭日各官俱穿朝服一切禮儀陳設供品悉照社  
稷壇之例行祭祀經費在藉田穀價動支銀五兩  
五錢三分五釐

祭壇畢行耕藉禮各文官俱換蟒袍補服正印官  
秉耒右手扶犁左手執鞭佐貳執青箱播種行耕  
時用耆老一人牽牛農夫二人扶犁俱照九卿之  
例九推九返耒農夫終畝耕畢各官復穿朝服望  
闕行三跪九叩禮畢退



農具俱用赤色已牛用黑色箱用青色所盛籽種照各處土宜藉田四畝九分歲入穀十七石七斗三

升通志

祝文部頒

維 神肇興稼穡粒我烝民頌思文之德克配彼

天念率育之功陳常時夏茲當東作咸服先疇欽

惟

九五之尊歲舉三推之典恭膺守土敢忘勞民謹奉儀

章聿修祀事惟願五風十雨嘉祥恒沐於 神庥

庶幾九穗雙歧上瑞頻書於大有尙饗

謹案會典先農壇為中祀通志

欽州志 卷四

禮樂

十

文廟每歲二八月上丁日致祭前期致齋二日用

白紙糊版墨書祝文送至

文廟神庫黃案上安設一跪三叩頭退前一日承祭

官具公服上香監視宰牲並瘞毛血正祭日承祭

分獻陪祀各官俱朝服入兩旁門序立贊引官導

承祭官至盥洗處盥手畢引至臺階下立典儀唱

樂舞生就位執事者各司其事分獻官陪祀官各

就位贊引官贊就位承祭官就拜位立分獻官隨

後立典儀唱迎神唱舉迎神樂奏咸平之章通禮作昭

平之樂作贊引官贊跪叩興承祭官陪祀官分獻

官俱行三跪九叩頭禮興樂止典儀唱奠帛行初



獻禮唱舉初獻樂奏寧平之章

通禮作宣平之章

樂作贊

引官贊陞

壇導承祭官由東階上進殿左門贊引官贊詣

至聖先師孔子位前承祭官至案前立贊跪承祭官跪贊奠帛司帛跪捧帛承祭官受帛拱舉以授司帛興奠於案贊獻爵司爵跪奉爵承祭官受爵拱舉以授司爵興奠於墊中退承祭官叩頭興贊引官贊詣讀祝位承祭官就讀祝位立贊跪承祭官分獻官陪祀官皆跪樂止贊讀祝司祝跪讀祝讀畢捧祝版至

正位前案上跪安帛匣內叩頭興退樂作贊引官贊叩

欽州志

卷四

禮樂

十一

興承祭官及各官行三叩頭禮興贊引官贊詣

復聖顏子位前承祭官就案前立贊跪承祭官跪贊

奠帛司帛跪奉帛承祭官受帛拱舉以授司帛興

奠於案贊獻爵司爵跪奉爵承祭官受爵拱舉以

授司爵興奠於墊中退承祭官叩頭興贊詣

宗聖曾子位前

述聖子思子位前

亞聖孟子位前奠帛獻爵如前儀其

十一哲分獻官陞壇奠帛獻爵俱照承祭官行禮兩

廡分獻官亦照承祭官行禮畢贊復位承祭官分

獻官各復位立樂止典儀唱行亞獻禮唱舉亞獻



樂奏安平之章通禮作秩樂作贊引官贊陞

壇獻爵於左如初獻儀贊復位承祭官分獻官各復

位立樂止典儀唱行終獻禮唱舉終獻樂奏景平

之章通禮作叙樂作贊引官贊陞

壇獻爵於右如亞獻儀贊復位承祭官分獻官各復

位立樂止典儀唱飲福受胙贊引官贊詣受福胙

位承祭官至殿內立捧酒胙二人捧酒胙至

正案前拱舉退立承祭官之右接酒胙二人立於左贊

引官贊跪承祭官跪贊飲福酒右一人跪遞福酒

承祭官受爵拱舉以授於左跪接興贊受福胙如

飲福酒之儀贊叩興承祭官三叩頭興贊復位引

欽州志 卷四 禮樂 十三

承祭官復位立贊跪叩興承祭官分獻官陪祀官

均行三跪九叩禮興典儀贊徹饌唱舉徹饌樂奏

咸平之章通禮作敘樂作徹饌樂止典儀唱送神

唱舉送神樂奏咸平之章通禮作德樂作贊引官

贊跪叩興各官皆行三跪九叩頭禮樂止典儀唱

捧祝帛饌各恭詣燎位捧祝官捧帛官至各位前

一跪三叩頭捧起祝文在前帛次之捧饌官跪不

叩頭捧起在後俱送至燎位承祭官退立西房候

祝帛饌過仍復位立典儀唱望燎唱舉望燎樂咸平

後樂作贊引官贊詣望燎位導承祭官至燎位立

祝帛焚訖贊禮官贊禮畢樂止皆退大清通志卷四



祝文 部頒

維某年月日某官某致祭於

至聖先師孔子曰惟

先師德隆千聖道冠百王揭日月以常行自生民所未

有屬

文教昌明之會正禮和樂節之時辟雍鐘鼓惟樂薦

於馨香泮水膠庠益致嚴於遵豆茲當仲春秋祇率

彛章肅展微忱聿陳祀典以

復聖顏子

宗聖曾子

述聖子思子

欽州志 卷四

禮樂

三

亞聖孟子配尚饗

樂章

迎神樂奏咸平之章 無舞

大哉 至聖道德尊崇維持王化斯民是宗典祀

有常精純並隆神其來格於昭聖容

初獻樂奏寧平之章 有舞

自生民來誰底其盛惟師神明度越前聖燦帛具

成禮容斯稱黍稷非馨惟神之聽

亞獻樂奏安平之章 有舞

大哉 聖師實天生德作樂以崇時祀無斁清酌

惟馨嘉牲孔碩薦羞神明庶幾昭格



三獻樂奏景平之章 有舞

百王宗師生民物軌瞻之洋洋神其寧止酌彼金罍惟清且旨登獻惟三於嘻成禮

徹饌樂奏咸平之章 無舞

犧象在前豆邊在列以享以薦既芳既潔禮成樂備人神和悅祭則受福率遵無越

送神樂奏咸平之章 望燎同

有嚴學宮四方來崇恪恭祀事威儀離離歆茲惟

馨神馭還復明禋斯畢咸膺百福 已上通志

新樂章 乾隆八年部頒

迎神樂奏昭平之章 無舞

欽州志

卷四

禮樂

十四

大哉 孔子先覺先知與天地參萬世之師祥徵

麟被韻答金經日月既揭乾坤清夷

初獻樂奏宣平之章 舞羽籥之舞

予懷明德玉振金聲生民未有辰也大成俎豆千

古春秋上下清酒既載其香始升

亞獻樂奏秩平之章 有舞

式禮莫愆升堂再獻響協葦鏞誠孚罍獻肅肅雍

雍譽髦斯彥禮陶樂淑相觀而善

三獻樂奏叙平之章 有舞

自古在昔先民有作皮弁祭菜於論思樂惟天賜

民惟聖時若彝倫攸叙至今木鐸



徹饌樂奏懿平之章 無舞

先師有言祭則受福四海饗宮疇敢不肅禮成告  
徹毋疏毋瀆樂所自生中原有菽

送神樂奏德平之章 無舞

鳧繹我哀洙泗洋洋景行行止流澤無疆聿昭祀  
事祀事孔明化我烝民育我膠庠已上通禮

陳設

先師位前帛一白牛一羊一豕一登一鉶一簋二簋二

邊十豆十罇一爵三鑪一鐙二

四配位前帛四白各羊一豕一鉶二簋二簋二邊八

豆八爵三鑪一鐙二東西各罇一

欽州志

卷四

禮樂

五

十一哲位前各帛一白鉶一簋一簋一邊四豆四爵

三東西各羊一豕一鑪一鐙二罇一

東廡陳設祭品帛二白豕三每案簋一簋一邊四豆

四銅爵各一西廡祭品同

崇聖祠正位陳設五案每案帛一白白磁爵三羊一

豕一鉶二簋二簋二邊八豆八酒罇一

配位陳設每位一案帛二白豕首一豕肉一每案銅

爵三簋一簋一邊四豆四酒罇一

兩廡陳設帛二白每位銅爵三爵三簋一簋一邊四豆四

豕肉一酒罇一

每歲春秋仲月丁祭日先行致祭其日五鼓承祭



官具朝服贊引官引承祭官入

後殿左門至盥洗處盥手畢典儀唱執事官各司其事贊就位承祭官就位立唱迎

神贊跪叩與承祭官行三跪九叩頭禮典儀唱奠帛行初獻禮贊引官贊陞壇承祭官入殿左門贊詣

肇聖王位前承祭官至位前立贊跪叩與承祭官行一跪一叩頭禮與贊奠帛捧帛官跪進承祭官受帛

拱舉立獻畢贊獻爵執爵官跪進承祭官受爵拱舉立獻畢行一跪一叩頭禮與贊不贊詣

裕聖王位前次詣

詣聖王

欽州志

卷四

禮樂

六

昌聖王

啟聖王位前奠帛獻爵如前儀贊詣讀祝位承祭官至

讀祝位立讀祝官至祝文案前一跪三叩頭捧祝

版立於案左贊引官贊跪承祭官讀祝官俱跪贊

讀祝讀祝官讀畢捧祝版跪安案上帛匣內三叩

頭退不贊贊引官贊叩與承祭官行三叩頭禮與贊

詣

先賢顏氏位前承祭官詣位前立贊跪承祭官行一

跪一叩頭禮與贊奠帛捧帛官跪進承祭官受帛

拱舉立獻畢贊獻爵執爵官跪進承祭官受爵拱

舉立獻畢行一跪一叩頭禮與不贊詣



先賢曾氏位前次詣

先賢孔氏

先賢孟孫氏位前奠帛獻爵如前儀贊復位承祭官復位立典儀唱行亞獻禮獻爵於左如初獻儀典儀唱行終獻禮獻爵於右如亞獻儀典儀唱徹饌唱送

神贊引官贊跪叩興承祭官行三跪九叩頭禮興典儀唱捧祝帛饌各恭詣燎位捧祝帛官至位前一跪三叩頭捧祝帛起捧饌官跪叩捧饌起祝文在前帛次之饌在後依次捧至燎位承祭官退立西旁候祝帛過仍復位立典儀唱望燎贊引官贊詣望燎位承祭官至望燎位立焚祝帛訖贊引官贊禮畢退已上通志祝文部頒

欽州志

卷四

禮樂

七

肇聖王

裕聖王

詒聖王

昌聖王

啟聖王曰惟

王奕葉鍾祥光開聖緒盛德之後積久彌昌凡聲教所覃敷率尋源而溯本宜肅明禋之典用伸守土之



忱茲屆仲春秋葦修祀事配以

先賢顏氏

先賢曾氏

先賢孔氏

先賢孟孫氏尙饗

謹案會典文廟為中祀通志

名宦鄉賢忠義節孝四祠歲春秋丁祭禮畢教官一人公服詣祠致祭陳豕一邊四豆四鑪一鐙二壺一爵三帛一引贊二人引主祭官入詣案前北面立禮生自右奉香盤主祭官三上香引贊贊跪叩興主祭官跪三叩興禮生自右授帛主祭官受

欽州志

卷四

禮樂

六

帛拱舉仍授禮生獻於案上禮生挈壺酌酒實爵自右跪授爵主祭官受爵拱舉仍授禮生與獻於正中讀祝者取祝文跪於案左引贊贊跪主祭官跪讀祝畢退主祭官俯伏興執事者酌酒獻於左又酌酒獻於右退引贊贊跪叩興主祭官跪三叩興執事者以祝帛送燎引贊引主祭官出皆退

名宦祠祝文學冊

惟公國家儒臣黎黔慈母膺

朝廷之重命欽乃攸司體

聖教之宏敷慎以出令補偏救敝海國風行愛士養民邊方化洽儀型未遠俎豆常新茲值仲春秋敬修祀



典尚饗

鄉賢祠祝文

學冊

惟公言行敦修鄉邦揚舉凜清操於霜雪風節  
昭宣著經國之才華文章炯煥生色閭里衣冠用  
以流輝示教人文邊隅於焉開運允為桑梓之表  
式是宜俎豆以明禮尚饗

忠義孝弟祠祝文

部頒

惟靈稟賦貞純躬行篤實忠誠奮發貫金石而  
不渝義聞昭宣表鄉閭而共式祇事懋彝倫之大  
性摯莪蒿克恭念天顯之親情殷棣萼楷模咸推  
夫懿德

欽州志

卷四

禮樂

九

綸恩特聞其幽光祠宇維隆歲時式祀用陳尊簋來格  
几筵尚饗

節孝祠祝文

部頒

惟靈純心皎潔令德柔嘉矢志完貞全閨中之  
亮節竭誠致敬彰靈內之芳型茹水蘚而彌堅清  
操自勵奉盤匱而匪懈篤孝傳徽

絲綸特沛殊恩祠宇昭垂於令典祇循歲祀式薦尊  
醪尚饗

右名宦鄉賢忠義節孝四祠祭祀經費即在丁

祭項內

參輯

關帝廟每歲春秋仲月一訓吉致祭祭日各官朝服



詣廟贊引官引承祭官進左旁門至盥洗所盥洗  
畢引至殿內行禮處立典儀唱執事官各司其事  
贊引官贊就位承祭官就位立陪祀官各就位立  
典儀唱迎 神司香官捧香跪於爐左贊引官引  
承祭官至爐前立贊上香三上辨香贊復位承祭  
官復位立贊跪叩興承祭官行三跪九叩頭禮眾  
官皆隨行禮興典儀唱奠帛行初獻禮捧帛官跪  
獻畢行三叩頭禮退執爵官立獻爵於案上正中  
退讀祝官至祝案前一跪三叩頭捧祝文立贊引  
官贊跪奉祭官讀祝官俱跪陪祀各官皆跪贊讀  
祝讀畢興捧至案前跪安帛匣上三叩頭退贊引

官贊叩興承祭各官行三叩頭禮興典儀唱行亞  
獻禮執爵官獻爵如初獻儀獻於案左退典儀唱  
行終獻禮執爵官獻爵如亞獻儀獻於案右退典  
儀唱徹饌送 神贊引官贊跪叩興承祭官陪祀  
官俱行三跪九叩頭禮興典儀唱捧祝帛恭詣燎  
鑪捧祝帛官至 神位前一跪三叩頭捧祝帛起  
司香官跪捧叩不承祭官避立西旁俟祝帛過仍復  
位立贊引官贊詣望燎位承祭官至燎所祝帛焚  
半贊引官贊禮畢各退通志

祝文 部頌

維 神浩氣凌霄丹心貫日扶正統而彰信義威



振九州完大節以篤忠貞名高三國神明如在徧  
祠宇於寰區靈應丕昭薦馨香於歷代屢徵異蹟  
顯佑羣生恭值仲春嘉辰遵行祀典秋筵陳邊豆几  
奠牲膠尙饗

祭品陳設禮神制帛一色白白磁爵三牛一豕一豕  
一果品五酒一樽登一鉶二簋二簋二邊十豆十  
後殿陳設帛三色白每案羊一豕一鉶二簋二簋二  
邊八豆八前後行二跪六叩頭禮餘儀同

祝文 部頒

惟公世澤貽庥靈源積慶德能昌後篤生神武  
之英善則歸親宜享尊崇之報列上公之封爵錫

欽州志 卷四

禮樂

三

命攸隆合三世以肇禮典章明備恭逢仲春諷吉  
祇事薦歆尙饗

謹案會典關帝廟為羣祀通志

文昌廟每歲二月初三八月誦吉致祭承祭官朝  
服三獻前後俱行三跪九叩首禮祭品帛一色白牛  
一羊一豕一登一鉶二簋簋各二邊豆各十後殿  
祭品帛各一色白羊豕各一簋簋各二邊豆各八承  
祭官行二跪六叩頭禮餘同前殿儀

祝文 部頒

惟神蹟著西垣樞環北極六匡麗曜協昌運之  
光華累代垂靈為人文之主宰扶正以彰夫感召



薦馨宜致其尊崇茲屆仲春用昭時祭倘其歆格  
鑒此精虔尙饗

後殿祝文 部頒

祭引先河之義禮崇反本之思矧夫世德彌光延  
賞斯及祥鍾累代炯列宿之精靈化被千秋緯人  
文之主宰是尊後殿用答前庥茲值仲春肅將時  
事用伸告潔 神其格歆尙饗

謹案會典文昌廟為羣祀 通志

天后神廟每歲春秋仲月上癸日致祭儀注與文

昌廟同

祝文 通志

欽州志

卷四

禮樂

三

維 后配天立極護國徵祥河清海晏物阜民康  
保安斯土福庇無疆千秋鞏固萬載靈長神恩思  
報聖德難忘虔修祀事恭薦馨香士民一德俎豆  
同堂仰惟昭格鑒此烝嘗尙饗

謹案天后廟祭品未有定例

風神廟每歲春秋仲月上巳 天干日致祭

祝文 府志

維 神發育萬物嘘拂羣倫順物布氣長養生成  
跡消山嶺浪息海鯨祥和調暢異體清明式隆祀  
典肇舉明禋陳牲獻爵來格來歆尙饗

謹案會典風神廟為羣祀



龍王廟每歲春秋仲月上辰日致祭主祭官具蟒服行二跪六叩頭禮

祝文 通志

惟神德洋寰海澤潤蒼生允襄水土之平經流順軌廣濟泉源之用膏雨及時績奏安瀾占大川之利涉功資育物欣庶類之蕃昌仰藉神庥宜隆報享謹遵祀典式協良辰敬布几筵肅陳牲幣尙饗

謹案會典龍王廟為羣祀

火神廟每歲春秋仲月上丙日致祭

謹案會典火神廟為羣祀 俱通志

欽州志

卷四

禮樂

三

旗纛每歲季秋霜降日武官致祭 府志

厲壇每歲清明日七月望日十月朔日祭無祀鬼

神於本城之北郊用羊三豕三飯米三石香燭酒

紙隨用祭時祭告城隍之神出主其祭榜無祀鬼

神分祀之 通志府志參輯

告城隍文 部頒

欽奉

皇帝聖旨普天之下率土之上無不有人無不有鬼人鬼之道幽明雖殊其理則一今國家治民事神已有定例尙念冥冥之中無祀鬼神昔為生民未知何故而沒冥間有遭兵刃而橫傷者有死於水火



盜賊者有被人強奪妻妾而忿死者有被人掠取財物而逼死者有誤遭刑罰而屈死者有天災流行而疫死者有爲猛虎毒蟲所害者有饑寒交迫而死者有因戰鬪而殞身者有因危急而自縊者有因牆屋傾頽而壓死者有死後而無子孫者此等鬼神或終於前代或沒於近世或兵戈擾攘流移於他鄉或人煙斷絕久缺其祭祀姓名泯沒於一時祀典無聞而不載此等孤魂死無所依精魂未散結爲陰靈或倚草附木或爲妖作怪悲號於星月之下呻吟於風雨之中凡遇人間令節魂杳杳以無歸意懸懸而望祭與言及此憐其慘悽故

勅天下有司依期致祭命本處城隍以主此祭鎮按壇場鑒察諸神等類其中有爲良善誤遭刑禍死於無辜者神當達於所司使之還生中國永享太平之福如有素爲兇頑身逃刑憲雖獲善終亦出僥倖者神當達於所司屏諸四夷善惡昭報神必無私除欽奉外合就牒移城隍獄神吊出獄幽以享祭典久遠遵行

謹案會典厲壇爲羣祀

通志

學校

學宮舊在城南門外宋治平元年移建城東門外崇寧三年徙於州治南淳熙四年知州岳霖開拓



重建

先儒張栻有記詳藝文

紹熙五年知州黃巨改建於州

治東南

許國公府教授顏棫有記佚

元一王正中燬於寇明初草

創規制未備洪武七年重建宣德三年守備都指

揮程瑒復建

提學彭璠特書其賢於碑佚

天順中復燬於寇成

化五年僉事林錦以分司署改爲明倫堂堂左買

民居以建文廟宏治八年知州袁莒改遷南門外

故址正德五年知州徐珪十四年知州李純前後

修建增名宦鄉賢二祠歲久傾圯嘉靖十五年知

州林希元復遷城中故址

祭酒倫以訓有記佚

三十四年知

州鄧以和建啟聖祠敬一亭名宦鄉賢祠宰牲所

萬曆十二年知州周邦爵遷於城外二十四年知

欽州志

卷四

禮樂

三五

州王世守復遷城內故址之東以北有高阜登之

可以望遠據一城之形勝遂改建焉其制中爲文

廟爲東西兩廡爲戟門爲櫺星門門左右爲仰聖

承賢二坊廟後爲明倫堂爲左右齋齋後爲學正

廡爲訓導廡堂右爲敬一亭後爲啟聖祠東西爲

名宦鄉賢祠天啟初雷州推官歐陽保查盤來欽

議遷原址五年署州通判施浦改建文廟東西兩

廡名宦鄉賢祠戟門櫺星門泮池圍牆七年知州

李五美重建遂爲改觀學正吳國藩建明倫堂崇

禎六年學正歐陽達建啟聖祠於明倫堂左土地

祠於明倫堂右築青雲路出儒學門四面圍植松



柏明季寇亂復燬

國朝康熙元年知州喻三畏學正黃樞建復明倫堂  
後又復燬十年知州董爾性學正黎方潞復修仍  
燬二十三年知州馬世祿學正謝蓬升重修文廟  
戟門左名宦祠右鄉賢祠草創規制未備二十八  
年知州汪源澤學正謝蓬升訓導陳建中建復啟  
聖祠明倫堂三十三年知州程鼎建復東西兩廡  
及櫺星門三十四年欽營遊擊陳誥獨力捐廉重  
建文廟兩廡戟門規制始完煥然改觀檢討李朝  
鼎有記詳  
藝文四十七年學正胡敷黃倡建儒學門義路禮門  
東西圍牆土地祠守備劉維翰創建青雲路坊於

欽州志

卷四

禮樂

三

學前青雲路口五十年知府施世驥建明倫堂五  
十六年浚復泮池於照牆外州人吳邦瑗  
有記詳藝文其制中

為大成殿殿前為月臺臺環格木欄檻下植松樹

東西序為兩廡前為戟門門左為名宦祠右為鄉

賢祠外為櫺星門為照牆牆左為禮門右為義路

外為泮池殿左為啟聖祠祠右為學正齋左為訓

導齋前為明倫堂堂前為土地祠為儒學門門內

東西環築垣牆外建青雲路坊於青雲路街口舊志

按學基在城內州治之左高岡前得地脈之正明  
洪武至成化人文濟濟科第迭興因燬於寇遷建  
城外西門嶺又改建東門外阜通坊俱於鄉科不  
利嘉靖十五年知州林希一元復遷城中天啟初雷  
州推官歐陽保查盤來欽欽州朱師生指示良脈入首  
取六秀灌耳議遷原址高一崗之前坐癸向丁五年



署州通判施沛改建於西偏舊址七年知州李五  
美成之廟貌改觀崇禎庚午李廷楷己卯余寅亮  
俱副榜 國朝康熙三十四年遊擊陳誥重建文  
廟己卯陳承美中武科振興文教是所望於當事  
焉 乾隆三十七年攝州康基田倡捐重修前所未

備者至此輝煌壯觀矣後又傾圮五十八年署州  
堯懋德學正李樹元訓導何廷瓚叅將紀鍾倡州  
人公捐大修移崇聖祠於正殿後其舊址改為訓  
導署拓開明倫堂堂前為儀門門左為忠孝祠門  
右為節義祠其前左則土地祠右則庠科又前為  
儒學大門歷二年餘工始竣 臬司秦瀛有  
記詳藝文 嘉慶二  
十二年署州唐源準學正吳光勳訓導楊士霖復  
倡捐重修明倫堂青雲坊增建外泮池花檻牆以

欽州志

卷四

禮樂

三

石甃結青雲路寬一丈長三十餘丈

舊志  
參輯

順治九年題准刊立卧碑置於明倫堂之左曉示  
生員

朝廷建立學校選取生員免其丁糧厚以廩膳設學  
院學道學官以教之各衙門官以禮相待全要養  
成賢才以供

朝廷之用諸生皆當上報  
國恩下立人品所有教條開列於後

一生員之家父母賢智者子當受教父母愚魯或  
有非為者子既讀書明理當再三懇告使父母不  
陷於危亡



一生員立志當學爲忠臣清官書史所載忠清事蹟務須互相講究凡利國愛民之事更宜留心  
一生員居心忠厚正直讀書方有實用出任必作良吏若心術邪刻讀書必無成就爲官必取禍患  
行害人之事者往往自殺其身當宜思省  
一生員不可干求官長結交勢要希圖進身若果心善德全上天知之必加以福

一生員當愛身忍性凡有司衙門不可輕入卽有切已之事只許家人代告不可干與他人詞訟他人亦不許牽連生員作證

欽州志

卷四

禮樂

三

一爲學當尊敬先生若講說皆須誠心聽受如有未明從容再開毋妄行辨難爲師亦當盡心教訓勿致怠惰

一軍民一切利病不許生員上書陳言如有一言建白以違

制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治

罪

通志金石畧

先師孔子贊

康熙二十五年御製

蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲此正學所以常明人心所以不泯也粵稽往緒仰溯前徽堯舜禹湯文武達而在上兼君師之寄行道之聖人



也孔子不得位窮而在下乘刪述之權明道之聖人也  
行道者勲業炳於一朝明道者教思周於百世堯舜文  
武之後不有孔子則學術紛淆仁義湮塞斯道之失傳  
也久矣後之人而欲探二帝三王之心法以爲治國平  
天下之準其奚所取衷焉然則孔子之爲萬古一人也  
審矣巡省東國謁祀關里景企滋深敬摛筆而爲之  
贊  
曰

清濁有氣剛柔有質聖人參之入極以立行著習察舍  
道莫由惟皇建極惟后綏猷作君作師垂統萬古曰惟  
堯舜禹湯文武五百餘歲至聖挺生聲金振玉集厥大  
成序書刪詩定禮正樂既窮象繫亦嚴筆削上紹往緒  
下示來型道不終晦秩然大經百家紛紜殊途異趣曰  
月無踰美牆可晤孔子之道惟中與庸此心此理千聖  
所同孔子之德仁義中正秉彝之好根本天性庶幾夙

欽州志

卷四

禮樂

三九

夜昴哉令圖溯源洙泗景躅唐虞載歷庭除式觀禮器  
摘毫仰贊心焉遐企百世而上以聖爲歸百世而下以  
聖爲師非師夫子惟師於道統天御世惟道爲寶泰山  
巖巖東海泱泱牆品萬仞夫子之堂孰窺其藩孰窺其  
徑道不遠人克念作聖

顏曾思孟四子贊

康熙二十八年

御製

聖道早聞天資獨粹約禮博文不遷不貳一善服膺萬  
德來萃心齋坐忘其樂一致禮樂四代治法兼備用行  
舍藏王佐之器

洙泗之傳魯以得之一貫曰唯聖學在茲明德新民止  
善爲期格致誠正均平以推至德要道百行所基纂承



統緒修明訓辭

於穆天命道之大原靜養動察庸德庸言以育萬物以贊乾坤九經三重六法是存篤恭慎獨成德之門卷之藏密擴之無垠

哲人既萎楊墨昌熾子輿闢之曰仁曰義性善獨聞知

言養氣道稱堯舜學屏功利煌煌七篇並垂六藝孔學

攸傳禹功作配

通志  
訓典恭錄

大成殿中康熙二十五年奉

頌萬世師表匾額敬謹懸掛

雍正三年奉

頌生民未有匾額敬謹懸掛

欽州志

卷四

禮樂

三

乾隆三年奉

頌與天地參匾額敬謹懸掛

嘉慶五年奉

頌聖集大成匾額敬謹懸掛

道光元年奉

頌聖協時中匾額敬謹懸掛

乾隆三年奉

頌祭器樂器

白磁爵四十二座

銅爵一百四十座

錫登一座

錫鋤十五個

錫盃五十二個

錫簋五十二個



竹籩二百一十個

木豆二百一十個

銅酒罇三個

銅龍勺一把

精鐵犧象太山壺著罍各罇共七個

龍幕六條

俎盤連架一個

大麾一面連龍桿架

應鼓一面

應鼓架二個

應鼓頂圍二副

門鼓一面

應鼓珠圍八塊連響扣

銅編鐘十六口

編磬十六座

鼗鼓二面

應鼓益綴四十串

鼙鼓一面

僉名鼓一面連架

僉名鐘特磬架二個連絲綴鳳

欽州志

卷四

禮樂

五

編鐘編磬架二個連絲綴鳳

僉名鐘一口

特磬一座

琴六面連囊

琴案六張

瑟四面連囊

瑟架八個

琴瑟箱二個

洞簫六枝

篪四枝連囊繼

塤二個連囊

祝一座

敔一座連囊

鳳簫二面

旌節一對連金線八寶

龍頭簠三十六枝

三眼簠三十六枝

戚二面

搏拊二面連架

干二面

笙六攢連囊



綾雉尾一百零八枝

孔雀尾六十枝

歌詩詩章板八塊

獻帛盤二十四個

祝文牌二座已上學冊

文廟大銅香爐一座重二百斤中銅香爐二

小銅香爐四

大靜瓶一對

銅犧尊一

銅象尊一

大銅爵三

小銅爵十二

飲福銅爵一

銅簠簋十四

銅邊豆十二

俱州人楊冠置海賊鄧耀盜往龍門毀失

明倫堂大銅鐘一口

重千觔古重器海賊鄧耀盜往龍門鑄銃已上舊志

銅鼓一面

康熙初遊擊陳培祺送入乃舊志所載者後不知失落何處

欽州志

卷四

禮樂

三

銅鼓一面

嘉慶六年州人耕於銅鼓嶺下得之獻州牧送入文廟

欽州學額進八名廩生九名增生十八名三年一

貢學政全書

乾隆十五年議准欽州學廩生九名三年兩貢與

定例未協嗣後欽州學四年一貢

嘉慶六年議准欽州學廩生出貢之期改爲三年

一貢俱同上

附學田

貢生黃秋槐捐送學新立鄉田米三十石萬曆十

年沒學田二頃一十畝二分共學田一十三頃九

十畝零七釐內除荒田六頃七十一畝三分三釐



八毫五絲實田七頃一十八畝七分三釐一毫五絲除正供外每畝徵租銀七分八釐八毫共實徵解學租銀五十六兩六錢三分九釐二毫五絲並無增減更移遞年批解過州核轉申詳 學院報

銷舊志

書院

東坡書院在城外上南關天涯亭後康熙三十四

年知州程鼎建奉祀蘇長公像雍正元年知州董

紹美重修又將入官田租捐給書院供用

知州董紹美自

為記詳藝文

乾隆十五年署州李璜三十七年攝州康

基田四十四年知州邵應鳳五十四年知州李戴

欽州志

卷四

禮樂

三

春五十七年署州堯懋德相繼修葺嘉慶二十四

年知州朱榷學正吳光勳訓導楊士霖吏目朱軒

偕州紳以建

萬壽宮餘資飭州人將舊院盡行拆卸重新建造一連

四座每座三間其制後為蘇公祠中為文蔚堂為

大堂外為頭門門外重修天涯亭易以石柱院右

造屋四間院左買民居稅地一幅增建學舍六間

共計屋二十二間周圍以磚垣統計地盤直一十

六丈橫六丈

舊志 參輯

鰲洲書院在鰲魚洲即迴瀾書院舊有文昌閣明

季燬於寇



國朝康熙五十八年議捐了銀建復未果乾隆十六年紳士彭天澤謝恩任馮達文潘演淳方定經等捐貲因舊址建閣二重高三丈餘知府周碩勳有記詳藝文二十七年署州劉業勤重修三十六年大水衝壞嘉慶九年鄉居刑部主事馮敏昌偕州紳鄭光美吳有邦仇鼎脩趙元渾潘晉熏劉博學等倡捐重修府志

府志

叅輯

欽江書院在城內西南隅乾隆三十七年攝州康基田見迴瀾東坡兩書院皆圯乃擇西南隅拓地捐建書院自題額曰欽江通志今廢府志養正書院在青雲路坊左道光八年知州徐棻率

欽州志

卷四

禮樂

三

士民相建新

增

成美書院今廢舊志

仁文書院今廢

鴻飛書院在鴻飛洲今廢

思文社學在貼浪都明嘉靖間知州林希元建同

時建十八社學知州林希元自為記見藝文今廢

中和社學在東門外今廢

城南社學在城南今廢

發蒙社學在方家蒙村今廢

水東社學在水東今廢

騰龍社學在高沙古城今廢



如洪社學在漁洪今廢

雷峯社學在烏雷今廢

蘆山社學在鴈蘆村今廢

平江社學在蚊子村今廢

雷峯社學在板雷村今廢

造村社學在那造村今廢

凌霄社學在板霄村今廢

思淳社學在思蘆村今廢

白峯社學在管界司今廢

同文社學在防城堡今廢

茶山社學在洪屋坊今廢

欽州志

卷四

禮樂

三

亨雷社學在那雷村今廢

孟埭社學在孟埭今廢已上舊志

按記社學十八而舊志載社學十九俱知州林

希元建考提學魏校拆東門外阜通坊崇寧寺

以爲社學在林公之前是舊有中和社學附記

於此

附書院義學田

雍正元年知州董紹美將入官田新立鄉一圖六

甲陳李用戸沿海司管下欽州洞屯蘇埠頭二處

稅一頃零二畝八分零四毫科官民米三石三斗

零四合一勺田租一千一百九十一斗捐給東坡



書院義學供用

舊志

嘉慶二十四年知州朱棿同官紳捐建

萬壽宮餘貲重修東坡書院外餘錢二千數百餘串置

田建舖每年收租穀以充東坡書院膏火

一買李春元糧田一分在州東南十里捕屬牛路

村等處共田一百五十坵坡地七十二塊

價錢八百二十

千文每年收三十二筒租穀七百斗 一買潘振宗糧

田一分在州治西門嶺白屋等處共田三十一坵

價錢五百四十千文每年收二十九筒租穀四百斗 一買甘

晴昌糧田一分在州西長墩司屬石家村等處共

田四十七坵另秧地三坵

價錢五百五十千文每年收三十筒

欽州志

卷四

禮樂

三

斗租穀三百四十斗

已上共收租穀一千四百四十斗

一書院左建小舖一間舖後半間每年收租錢一

十四千文 一書院右建大舖一間二進每年收

租錢二十六千文 一書院右建小舖一間後半

間每年收租錢八千文 一下南關街充公官地

建舖六間每間俱前後二進每年

每間租錢一十千文收租

錢六十千文

已上共租錢一百零八千文

新定章程每年掌教束脩紋銀一百二十兩 供

膳錢四十千文 兩次節儀各洋銀四圓 正課



生員十名每名每月膏火錢五百文 正課童生十五名每名每月膏火錢四百文 官課獎賞生童共錢壹千四百八十文 禮房備造課卷每月紙筆錢壹千文 照班長班二名每年共錢一十六千文 齋夫一名每年工食錢九千六百文

學舖地在濠壩街各家賣地作舖歲輸地租舊志


文昌閣舖地在濠壩街萬曆三十三年學正陳俊

以舖地十間與諸生辦春秋祀事天啟七年學正

陳聯輝詳捐舖稅五間給供閣費因兵燹舖毀居

民稀少康熙二十三年儒學查復六間俱舊志

欽州志 卷四 禮樂 三七





東坡書院買受  
 潘溪院寺糧田  
 一分田七等落  
 蘭嶺白屋祠  
 寺地大小田三  
 十坵分九兩  
 丈量共積得  
 五十五五十四  
 步四分五厘計  
 稅三十二畝零  
 倉廩零三零  
 八微三餘三沙  
 約穀種四十三

欽州志

卷四

禮樂

三

東坡書院膏  
 火牛路田圖

東坡善院買受  
 李春元牛路村  
 寺地糧田一分  
 約載種二百二  
 十斗田大小一  
 百五十坵





北

南



欽州志

卷四

禮樂

三九

書院石家村  
膏火田圖



內屬書院坡  
屬李姓坡嶺  
水為界嶺脊  
地以嶺為邊  
牛路

嶺脊有  
坡地  
此是  
院






欽州志

卷四

禮樂


學

東坡書院下南關街舖地一幅直長一十六丈三尺橫前寬七丈二尺後寬五丈七尺共建舖六間後一大園每舖二進每年約收租錢拾千文作膏火費用  
此地亦歸東坡書院直長九丈二尺橫二丈四尺批與人建屋收租作膏火 現在屋五間每間收租錢三百文




巷路口

此幅亦係書院地批與人建屋收租住屋二間每間每年收租銀三百文



書院大園



前大街